

# Ils students della Cadi a Luzern (1614-1700)

Autor(en): **[s.n.]**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **2 (1898)**

PDF erstellt am: **20.07.2024**

Persistenter Link: <https://doi.org/10.5169/seals-882131>

## **Nutzungsbedingungen**


Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



## Ils Studens della Cadi a Luzern.

(1614—1700)

Sper la venerabla claustra et ils per la religiun catholica en la Part sura aschi aultamein meritai paders Caputschiners ha « *il cussegl gron e pign della Cadi* » in prinzipal meret per il manteniment dil catholicismus. Ei glei negin dubi, che la energica maniera, sco ils umens, che influenzaven en la secunda part dil sedischavel tschentaner la Cadi, nus patertgein principalmein vid il capavel Landrichter *Paul de Florin*, han susteniu la contrareformatiun, derigida de Roma e Mileun anora, ha contribuü fetg bia tier la finala victoria da quella.

Enconuschent ein ils sforzs, ch'il cussegl della Cadi ha fatg per obtener a mantener ina scola latina sin claustra, nua ch'ils giuvens romontschs, che havessien clamada, sapien far lur studis humanistics e theologicis.

Suenter che ia scola latina en claustra era ida en, ha il cussegl della Cadi semess en relaziun cun la reghenza de Luzern, per saver procurar susteniment ad ils giuvens theologs, che fagievan lur studis tier ils giesuits. L'emprema bref ei datada dils 15 de Fevrer, 1614. En quella racomonda il mistral et il cussegl

della Cadi in *Martin Beer* de Muster al Sculdet e cussegl de Luzern, ch'ei veglien dar ad el *la buglia el spital*.<sup>1)</sup> Martin Beer seigi in bien giuven, che hagi neua ch'el seigi staus, secunteniu fetg bein. Essend il bab morts, biars affons, mo negina rauba avont maun, suplicheschen els de sustener il giuven en ses studis, ils quals el sapi buca far en la patria. A la fin della bref fan ei attens, che la religiun catholica prendi giu di per di, pertgei ch'ei hagian buca spirituals sculai.

Ord las brefs de recomondaziun vesein nus, che la scarteza de spirituals era en la la Part sura grischuna ina fetg sensibla. Aschia scrivan il mistral e cussegl della Cadi, dumandont „*paun e buglia*“ el Spital per in *Giachen Spescha* de Muster, dat. 15. de Zarcladur, 1643, ei suplicheschien per tal susteniment en consideraziun della gronda munconza de spirituals en la tiarra paritetica.

Che la scola dils giesuits vegnieva visitada de biars giuvens ord la Ligia grischua seperschuadin nus ord ina madema bref de recomondaziun per *Matthias Maissen* de Sumvitg, d. dils 2 ded October, 1649. En quella vegn ei constatau, che igl « Oberkeit » de Luzern hagi schau vegnir tier paun e buglia principalmein ad ils students Grischuns.

Tras risposta dat dils 5 de November deplorescha il sculdet e cussegl de Luzern, che ei sapian muort il schliet on, nua che il spital, che retili sias entradas en natira, hagi sez de basegns de susteniment, buca vegnir suenter à la damonda per il studen Maissen, *tonpli ch' il diember fixau per ils studens Grischuns, che retschei-*

<sup>1)</sup> Egl archiv dil cantun Luzern. Quellas sco las suondontas brefs ha il Signur archivar de *Liebenau* conpartgiu à nus.

vien paun e buglia, seigi survargaus per pli che la mesadat. Vegni ina plaza aviarta, veglien els dar quella al Maissen.

Tgei impurtonza ins meteva en la Cadi sin il susteniment, che Luzern deva, po ins cumprender ord il sequend conclus dils 19 de Fevr., 1667:

« Ei ordinau, ca *Tieni Cavatza* dei paga agli Cumin Mintgion R.<sup>1)</sup>, per quei el a Luzern ha sadapurtau schimal, chel ei staus chischun, chin bucca mai ad el, sunder era a Tschels noss Patriots leva prender naven Lalmosa, seigi quels schillis solits, peun e buglin.<sup>2)</sup> »

A l'entschata deva il spital mo buglia, pli tard era paun et il davos aunc enzitgei *schillings*.

Cun il tschotgavel tschentaner han ils studens grischuns bandunau pli e pli Luzern e la Cadi ha buca giu pli basegns dad implorar in agit, pretaus aschi gienerusamein en in temps, nua ch'ei setractava digl esser ner buc esser della religiun cattolica sper las fontaunas dil Rhein.

<sup>1)</sup> La zefra maunca.

<sup>2)</sup> *Decreten-Buch v. Schmid von Grüneck. Ms.*

